

Z A P I S N I K

sa 11. vanredne sjednice Senata Univerziteta održane 02.10.2009. godine sa početkom u 12,00 sati u sali za sjednice Rektorata Univerziteta u Tuzli

Sjednicom je predsjedavao prof.dr. Džemo Tufekčić – rektor Univerziteta u Tuzli.

Sjednici su prisustvovali slijedeći članovi Senata: prof.dr. Admedina Savković, prof.dr. Mirsad Donlagić, prof.dr. Snježana Marić, prof. Vlado Kerošević, prof.dr. Nevzeta Salihović, prof.dr. Reuf Kapić, dr.sc. Aljo Mujčić, prof.dr. Zlata Mujagić, prof.dr. Branimir Mikić, prof.dr. Alija Biberović, prof.dr. Azem Kožar, doc.dr. Bego Omerčević, prof.dr. Izet Alić, prof.dr. Ramiz Šelo, prof.dr. Farid Ljuca, prof.dr. Elmir Čičkušić, doc.dr. Hajro Kofrc, prof.dr. Izudin Hasanović, prof.dr. Salih Kulenović, prof.dr. Abdulah Bašić, prof.dr. Izet Žigić, Ismet Pirić, dipl.ecc., Azra Tinjić i Denis Talović, student.

Sjednici nisu prisustvovali: prof.dr. Srđan Vukadinović, doc.dr. Mirela Duranović, prof.dr. Izudin Kešetović, doc.dr. Amir Tokić, prof.dr. Lejla Begić, prof.dr. Fehim Dedagić, prof.dr. Mirjana Radić, prof.dr. Muhamed Bijedić i Edin Eminović, predsjednik USUT-a.

Osim članova Senata sjednici su prisustvovali: Jasmina Berbić, dipl.pravnik - generalni sekretar Univerziteta i Mirsada Delić, dipl.pravnik – sekretar Senata.

Prije razmatranja predložene tačke dnevnog reda, Rektor Univerziteta ukratko je informisao Senat da je 01.10.2009. godine održan zajednički sastanak predstavnika Univerziteta u Tuzli i Vlade Tuzlanskog kantona u vezi sa upisnom politikom, o čemu je sačinjena i pisana informacija pod brojem: 01-7474/09 od 01.10.2009. godine, koja je i podijeljena članovima Senata. Nakon toga, zbog prestanka Ugovora o radu, odnosno ispunjavanja uslova za odlazak u penziju akademiku prof.dr. Enveru Mandžiću, pojedini članovi Senata zatražili su da se u dnevni red uvrsti: Imenovanje v.d. prorektora za pitanje NIR-a. Međutim, zbog toga što nisu izvršene pripreme za raspravu, dogovoreno je da se o ovome raspravi na narednoj vanrednoj sjednici u srijedu, 07.10.2009. godine. Takođe, predloženo je i prihvaćeno da se u dnevni red pod tačkom 2. uvrsti: Donošenje Odluke o produženju roka za podnošenje prijave po Konkursu za upis kandidata na postdiplomski studij – II ciklus, u trajanju od jedne godine, na fakultete Univerziteta u Tuzli u akademskoj 2009/2010. godini, objavljenom u listu "Dnevni avaz" u subotu i nedjelju 19. i 20. septembra 2009. godine, nakon čega je za ovu sjednicu utvrđen slijedeći

DNEVNI RED

1. Realizacija upisne politike na Univerzitetu u Tuzli za akademsku 2009/2010. godinu
2. Donošenje Odluke o produženju roka za podnošenje prijave po Konkursu za upis kandidata na postdiplomski studij – II ciklus, u trajanju od jedne godine, na fakultete Univerziteta u Tuzli u akademskoj 2009/2010. godini, objavljenom u listu "Dnevni avaz" u subotu i nedjelju 19. i 20. septembra 2009. godine
3. Tekuća pitanja i informacije

TAČKA 1.

REALIZACIJA UPISNE POLITIKE NA UNIVERZITETU U TUZLI ZA AKADEMSKU 2009/10. GODINU

Nakon obrazložene informacije o održanom zajedničkom sastanku predstavnika Univerziteta u Tuzli i Vlade TK broj: 01-7474/09 od 01.10.2009. godine i obavljene rasprave, a postupajući po Odluci Vlade Tuzlanskog kantona broj: 02/1-38-15016/09 od 03.08.2009. godine, Senat Univerziteta utvrdio je prijedlog

ODLUKE

I

Utvrđuje se prijedlog za upis u I godinu prvog ciklusa studija na fakultete/Akademiju Univerziteta u Tuzli u akademskoj 2009/10. godini preostalog broja kandidata koji su po konačnim rang-listama položili prijemni ispit na fakultetima/Akademiji Univerziteta u Tuzli u prvom i drugom upisnom roku.

II

U cilju realizacije prethodne tačke uzima se u obzir da Vlada Tuzlanskog kantona:

- osigura sredstva za adaptaciju 2-3 amfiteatra na području grada,
- dā saglasnost za prijem u radni odnos neophodnog naučno-nastavnog kadra,
- u projekciju Budžeta TK za 2010. godinu osigura odgovarajuća sredstva za nesmetan rad Univerziteta.

III

Prijedlog Odluke stupa na snagu danom davanja saglasnosti od strane Vlade Tuzlanskog kantona.

TAČKA 2.

DONOŠENJE ODLUKE O PRODUŽENJU ROKA ZA PODNOŠENJE PRIJAVA PO KONKURSU ZA UPIS KANDIDATA NA POSTDIPLOMSKI STUDIJ – II CIKLUS, U TRAJANJU OD JEDNE GODINE, NA FAKULTETE UNIVERZITETA U TUZLI U AKADEMSKOJ 2009/2010. GODINI, OBJAVLJENOM U LISTU "DNEVNI AVAZ" U SUBOTU I NEDJELJU 19. I 20. SEPTEMBRA 2009. GODINE

Razmatrajući prijedloge dekana fakulteta Univerziteta u Tuzli, Senat Univerziteta donio je

ODLUKU

I

Odobrava se produženje roka za podnošenje prijave do 15.10.2009. godine, po Konkursu za upis kandidata na postdiplomski studij – II ciklus, u trajanju od jedne godine, na fakultete Univerziteta u Tuzli u akademskoj 2009/10. godini, objavljenom u listu "Dnevni avaz" u subotu i nedjelju, 19. i 20. septembra 2009. godine, a koji je bio otvoren do 05.10.2009. godine.

TAČKA 3.
TEKUĆA PITANJA I INFORMACIJE

Po tekućim pitanjima i informacijama vođena je rasprava o početku nastave u akademskoj 2009/10. godini. Bilo je različitih prijedloga i mišljenja. Pored ostalog, iz objektivnih razloga, predlagano je da se početak nastave umjesto 05.10.2009. godine pomjeri za sedam dana. Međutim, Odluka Senata o utvrđivanju termina nastave i polaganja ispita na Univerzitetu u Tuzli u ak. 2009/10. godini, broj: 03-6806-1/09 od 16.09.2009. godine, ostala je nepromijenjena.

Bilo je i zahtjeva za treći upisni rok, postavljeno je i pitanje bezuslovnih prelazaka u određene godine studija na fakultetima Univerziteta. Međutim, po ovim zahtjevima nisu donesene odluke, već je dogovoreno da se o ovome raspravi na narednoj sjednici Senata.

Drugih pitanja i informacija nije bilo, pa je sjednica završena u 14,00 sati.

ZAPISNIK SAČINILA:

Mirsada Delić, dipl.pravnik

UNIVERZITET U TUZLI

Broj: 03-7463-1/09

Tuzla, 02.10.2009. god.

**PREDSJEDNIK
SENATA UNIVERZITETA**

Dr.sc. Džemo Tufekčić, red.prof.